

第一名

李永義

企鵝

得獎感言

這首詩寫个係佢對阿姆同阿爸盡深个思念。

阿爸過身以後，阿姆用佢緊掣个手，一步一步照等古禮，將阿爸个名仔請上廳下个神主牌。五月節愛綑粽該下，佢看著阿姆个手，一直緊掣緊掣，包出來个粽雖然毋係盡好，但佢還係堅持愛完成這擺包粽，因為這係阿爸在世時盡好食个味緒。佢想寫个，毋單淨係節氣、枸薑葉這兜意象，還愛寫出阿姆手項个鉛筆跡、銀紙摺成个船票，還有厥心肝肚裡對阿爸永恆个愛。

端午該日，孫仔偷偷撞撞，拿鹽搥成薄薄一層，同阿婆立卵，該雙細手輕輕仔扶等雞卵，像在扶等阿婆微微个笑容。這傳承个畫面，恬靜又溫暖，深深印在佢心肝肚。

感謝客家文學這條路，分佢用母語寫出家族个溫暖記憶，寫出阿姆手項這份毋肯放个深情。這首詩，係佢送分阿姆、送分阿爸，乜送分所有在土地項恬恬傳承个客家鄉親。



阿爸舊年過身

阿姆記得今年愛同阿爸个名仔

請上廳下个「阿公婆神主牌」項

老哀仔个手會緊掣……

該年通書摺仔

摺啊阿姆擇好个吉日

鉛筆跡比艾草還過苦喔！

「宜祀拜」个紅字

心肝肚痹等滿滿个愛

傳來思念个三叮嚀四吩咐

成時還會偷偷仔掙目汁

阿姆緊掣个鉛筆跡仔……

像山崑在風中唱歌仔

大武山吹來个風

同六堆打早个露水

輕輕仔拏等枸薑葉

阿姆算等通書个廿四節氣

手指尾停跔在五月節前

顫啊變一條線

圍毋核糯米漲潮个礮棚

阿姆擘開花喇必駁个掌紋

米粒對手指罅瀉走吔！



臨將一甲子个歲月鹹淡
縐入枸薑葉肚裡背
浸青四角椎誕生該下
五月節熟事个味緒……
親像阿爸頭擺个山歌在灶頭幹來幹去……

阿爸過身堵堵好對年
拆核咁阿爸名仔个紅紙
恬恬仔駛入「阿公婆神主牌」个港灣
銀紙摺成个船票
同三牲五果个錨
沉入地基主
祭拜思念同感恩个對話
在香火中緩緩仔泊岸
佢手項跌落个香灰……
像歸陣禾鵲仔飛過禾埕

阿姆算等「午時到咗！」
這下，佢等來開始
同雞卵對準準地面个點……
該時日頭光箭過香蒲
在阿姆拱拱个背囊板
畫出淺淺个航道
卵殼同午時地磁之間
一道罅縫緊跔緊煞口
毋過阿姆个手
比划龍船个槳仔過搖



更加顛掣……

佢等毋趕敵大氣……

孫仔偷偷撈撈同鹽揀成薄薄一層

等到卵个影跡

尾項企嶝

廳下个「阿公婆神主牌」

總算開容笑面！

